

## زكاة الفطر زكاتي ح52 باسم عليوة

باسم عليوة

السلام عليكم ورحمة الله وبركاته. اهلا بكم في حلقة جديدة من برنامج زكاتي هتكلم معكم النهاردة عن زكاة الفطر. ممكن يكون زكاة الفطر هو حديس الساعة دلوقتي فعشان كده احنا هنركز عليه وهنعمله في شكل سؤال وجواب. عشان نبقي قدرنا نرد على كل الاستفسارات بتاعتكم - [00:00:01](#)

اول حاجة عشان نبقي متفقين ان زكاة الفطر الاصل فيها ان هي تخرج من الطعام اللي احنا هنتكلم عنه سواء كان الطعام اللي عندك في البلد او الطعام اللي موجود فيه - [00:00:25](#)

حديس النبي صلى الله عليه وسلم واشهر نوع موجود عندنا في مصر ودايما بنخرج منه زكاة الفطر هو الرز. فخلينا متفقين ان احنا نخرجها طعامه خلينا نتكلم على الرز كمسال مشهور عندنا - [00:00:35](#)

في مصر. الحاجة الثانية اللي لازم نكون عارفينها ان ديت اول زكاة هتكون على البدن مش هتكون زكاة على المال. بمعنى ايه؟ يعني اي حد اي شخص عنده المال بتاعه او - [00:00:45](#)

الكود بتاعه اللي يكفيه ليلة العيد تجب عليه زكاة الفطر. حتى لو كان قبل كده فقير او بعد العيد بقى فقير. كل اللقطة اللي موجودة عندي ليلة العيد اي حد غني يعني ايه غني؟ يعني عنده الاكل اللي يكفيه ليلة العيد ويوم العيد بكرة يبقى عليه زكاة الفطر. عشان كده الموضوع بسيط جدا جدا ممكن يبقى في حدود - [00:00:55](#)

اتنين كيلو ونص رز. انت الموضوع مش مقصود منه ان انت بتخرج مال عشان تغني الفقير بس. لأ. ده انت كمان عشان خاطر تجبر الكسر اللي كان موجود عندك في الطاعات اللي حصلت في رمضان ودي من حكمة زكاة الفطر لان النبي صلى الله عليه وسلم قال ان هي طهرة للصائم. يعني ايه طهرة للصائم؟ يعني بتجبر كل الزنوب والمعاصي اللي ممكن - [00:01:15](#)

يكون اقترفها في وقت رمضان وبالتالي فهي طهرة للصائم وفي نفس الوقت هي طعام للفقير. دي اول نقطة لازم نبقي عارفينها واحنا بنتكلم عن زكاة الفطر. النقطة اللي بعد كده مقدار زكاة الفطر. قد ايه مقدار زكاة الفطر؟ مقدار زكاة الفطر اللي هي صاع. النبي صلى الله عليه وسلم قال صاع من تمر او من شعير او من بر او ايا كان النوع زي ما اتفقنا الاشهر - [00:01:35](#)

في البلد اللي انت موجود فيها. الصعد عبارة عن وعاء. وعاء ازاى؟ يعني عبارة عن آآ زي مسلا صندوق كده لو انا حطيت فيه رز غير لما احط فيه قمح غير لما احط فيه - [00:01:55](#)

هو آآ هيتغير الوزن نتيجة الحاجة اللي انت هتحتها جوة الوعاء ده. فخلينا نقول مسال الرز لو احنا قلنا صاع من تمر او صاع من الرز ده عبارة عن ايه؟ الصاع من الرز - [00:02:05](#)

ده حوالي اتنين كيلو وربعمية او اتنين كيلو خمسمية. اتنين كيلو ونص من المنتج بتاع الرز. يبقى انت خلاص يوم الزكاة بتاعة الفطر اللي احنا هنتكلم عنها اللي هي ممكن تكون قبل العيد - [00:02:15](#)

يوم او قبل العيد بيومين على آآ أقصى التقديرات. هتيجي تطلع للفقير تدي له صاع من الرز اللي هو حوالي اتنين كيلو ونص من الرز. طيب انت مش هتعرف توصل للفقير بنفسك ينفع انت تديها لجمعية خيرية والجمعية الخيرية بتبقى عارفة الوقت اللي تطلع فيه زكاة الفطر برضه بيكون قبل العيد بيوم او بيومين عشان المقصود - [00:02:25](#)

من زكاة الفطر ان انت بتغني الفقير او بتدخل عليه السعادة في اول يوم من العيد في اول يوم عيد اللي هو عيد الفطر. السؤال اللي بعد كده من الذي تجب عليه زكاة الفطر؟ مين اللي عليه زكاة الفطر؟ قلنا اللي يجب عليه زكاة الفطر هو كل حد غني ليلة العيد او

عنده ما يكفيه من الاكل ليلة العيد - 00:02:45

اول يوم العيد. طيب انا اللي علي زكاة لوحدي ولا علي زكاة انا ومن اعول؟ يعني انت بتخرج الزكاة بتاعة الفطرة عنك لوحدهك ولا على من تعول كمان؟ لأ بتخرج الزكاة - 00:03:05

على من تعول. فلو واحد متزوج فعليه الزكاة عليه وعلى اولاده وعلى زوجته. لان هو اللي عليه اعالتهم او عليه المصاريف بتاعتهم. طيب السؤال اللي بعد كده هل ينفع حد يطلع عني زكاة الفطر نيابة عني ما ينفعش يطلع عني الزكاة نيابة عني الا لما يبلغني. يعني يقول لي انا هاطلع عنك زكاة الفطر. لان الزكاة يجب فيها نية فلازم - 00:03:15

الشخص تقول له انا هاطلع عنك الزكاة عشان يستحضر النية وبالتالي تقبل منه الزكاة. طب لو واحد طلع الزكاة بعد العيد او بعد صلاة العيد هل ديت تعتبر زكاة فطر ولا تعتبر صدقة؟ لأ اللي هو حديث النبي صلى الله عليه وسلم لو اخرجها بعد صلاة العيد فتبقى صدقة ولو اخرجها قبل صلاة العيد فتقبل منه كزكاة فطر. السؤال اللي بعد كده واحد - 00:03:35

فقير ومش معه فلوس وجا له ليلة العيد اموال زكوية كتير وجا له آآ طعام وجاله فلوس واصبح غني. هل يجب عليه زكاة الفطر يجب عليه زكاة الفطر؟ لان احنا قلنا - 00:03:55

ان العبرة باللقطة بتاعة ليلة العيد ان هو بقى عنده ما يكفيه ليلة العيد واول يوم العيد فبالثاني هو يجب عليه الزكاة من باب ان هو قلنا يجبر بها الطاعة بتاعته اللي هو ما قدرش يكملها في رمضان. وفي نفس الوقت كمان ان هو يدخل السرور على قلب واحد فقير زيه. السؤال اللي بعد كده هل يجوز بيع - 00:04:05

الفطر واحد جا له رز كتير. هل ينفع ان هو ياخده ويبيعه؟ خلاص انت اذا كانت الفطرة اللي جات لك دي سواء كانت رز او قمح او غيره او تمر دي بقت في ملكك. انت حر تاكلها تبيعها تخزن - 00:04:25

هتعمل فيها اللي انت عايزه ما فيش اي مشكلة فيه. طيب واحد بيسأل بيقول انا ما باصومش اصلا في رمضان هل ينفع ان انا اطلع زكاة الفطر؟ هل ربنا يتقبل مني زكاة الفطر؟ اولاً بنقول له انت على معصية - 00:04:35

كبيرة جدا وكبيرة من الكبائر. يجب ان انت تصوم في رمضان ويجب ان انت تتوب عن اللي انت ما صمتش فيه خلال السنوات اللي فاتت. ويجب كمان ان انت تحاول تصوم على قد ما تقدر - 00:04:45

خلال الفترة اللي جاية عشان خاطر ربنا يقبل منك التوبة وعشان يرفع عنك هذا البلاء. انما النقطة الثانية هل ربنا يقبل منك زكاة الفطر؟ اه ان شاء الله ربنا يقبل منك زكاة - 00:04:55

بنقول له انت ينفع تطلع زكاة الفطر لان الصيام والزكاة عبادتين منفصلين عن بعض تماما. فالله عز وجل ان شاء الله يغفر لك ما مضى ويغفر لك ما تقدم ان شاء الله - 00:05:05

بنيتك الصالحة. طيب تعالوا للنقطة اللي بعد كده بقى. واحد بيقول لي انا ينفع اطلع زكاة الفطر من مال محرم؟ طب دي ازاى نطبقها؟ دي واحد عايز يطلع زكاة من مال محرم - 00:05:15

لأ ينفع يطلع زكاة من مال ربوي جاي من بنوك تقليدية لا يجوز لخراج الزكاة من هذا المال لان الله عز وجل طيب لا يقبل الا طيب فيجب عليه ان هو يطلعها منه - 00:05:25

مال حلال طاهر وبالتالي ما ينفعش يطلعها من الفوائد البنكية. واحد بيقول انا عندي آآ دين والدين ده مستغرقني وانا مش عندي الاموال الكافية علي عشان خاطر انا اقدر اطلع الزكاة. احنا قلنا لو عندك ما يكفيك ليلة العيد ويوم العيد يعني ما يكفيك من طعام او

فلوس او نقود او غيره. فيجب عليك زكاة الفطر. طيب لو الدين ده مستحق - 00:05:35

ليلة العيد ويستغرق كل الاموال اللي معك خلاص يبقى انت كده بقيت في الحالة ديت فقير ويجب ان الناس تديك الزكاة وليس عليك زكاة الفطر طيب واحد بيقول آآ انا والدي مات - 00:05:55

رمضان هل يجب عليه زكاة الفطر ولا ما يجيش عليه زكاة الفطر؟ لو مات بعد غروب اخر ليلة في رمضان يجب ان انت تخرج عن مزكاة الفطر من الاموال بتاعته قبل توزيع التركة. طب لو مات قبل غروب اخر ليلة في رمضان فخلاص كده مش عليه زكاة لان هو

يُعتبر ما حضرش - 00:06:07

الوقت اللي وجبت فيه زكاة الفطر. سؤال مهم جدا. هل ينفع انقل زكاة الفطر؟ ينفع انقلها لو انا في مصر انقلها للسعودية او لو انا في السعودية انقلها في مصر. الاصل ان الزكاة تخرج في - 00:06:27

المكان اللي انت موجود فيه لان الفقير شايفك وعائش معك فلازم انت تخرجها في المكان اللي انت موجود فيه. بس هنفترض افتراض ان ما فيش في المكان اللي انا موجود فيه فقراء تنزلا - 00:06:37

اللي بيسأل السؤال ده هل يجوز له ان هو ينقل الزكاة من البلد اللي هو فيها لبلد تانية؟ يجوز نقل الايه؟ الزكاة. طيب انا خرجت الزكاة واديتها الجمعية الخيرية او اديتها لاي حد ووكلته في اخراج الزكاة خلاص كده خرجت من زمتي اه خرجت من زمك والجمعية بتبقى عارفة الوقت المناسب لاجراج هذه الزكوات او هذه - 00:06:47

اموال للمستحقين بتاعها في الوقت المعين لانها لازم تخرجها قبل صلاة العيد زي ما اتفقنا. مصارف زكاة الفطر. ايه هي مصارف زكاة الفطر؟ مصارف زكاة الفطر هي مصارف زكاة الاموال بتاعتي كلها اللي هم التمن اصناف اللي موجودين في الاية الفقراء والمساكين الخ الى نهاية الاية. فهي دي المصارف اللي انا ينفع ان انا اصرف فيها الزكاة. سؤال صعب - 00:07:07

صعب شوية بس هنقول من باب الافتراض هل يجوز اخراج الزكاة للاب والام؟ لا يجوز اخراج الزكاة للاب والام لان يجب علي ان انا اصرف على والدي وعلى والدتي ما ينفعش ان انت تروح - 00:07:27

تصدق عليهم او تخرج لهم اموال الزكاة. وعامة عايزين نقول عندنا اصل كده في موضوع الزكاة. لا يجوز اخراج الزكاة لمن تجب علي الاعالة بتاعتهم زي الاب والام والزوجة والاولاد انما يجوز ان انا اخرج الزكاة لاي حد ثاني غير الاصول والفروع زي ما بيسمونها الفقهاء زي الاخ مسلا وزبي الاخت وزبي - 00:07:37

الاقارب وبالتالي كمان تاخذ عليهم اجرين اجر اخراج الزكاة واجر كمان صلة الرحم لان هم من الاقارب هم اولي بهذه الاموال وبهذا الود. اخيرا واحد بيقول لي انا بقى لي عشر سنين ما طلعتش زكاة الفطر. وكان يجب علي زكاة الفطر في العشر سنوات. لا تسقط الزكاة بالتقادم لانه دين عليك لازم - 00:07:57

خلال السنوات اللي فاتت كلها يعني تشوف خلال السنين اللي فاتت كلها كان عليك مسلا اثنين ونص آآ اثنين كيلو ونص من الرز في عشر سنوات يبقى انت هتطلع خمسة وعشرين كيلو - 00:08:17

وتحسبهم وتطلعهم في الوقت اللي انت تبت فيه وعرفت فيه حكم زكاة الفطر وبالتالي ربنا ان شاء الله يتقبل منك ويغفر لك اللي فات. في الختام اتمنى اكون قدرت اوصل معلوماتي - 00:08:27

الزكاة كلها من اول زكاة الافراد وزكاة الشركات بانواعها والاصول بانواعها والتزامات بانواعها وحقوق الملكية وغيره من الانواع الكثيرة اللي احنا اخدناها خلال شهر رمضان وزكات الزروع وزكاة الانعام وزكاة الفطر. واتمى ان انا ان شاء الله اقابلكم السنة اللي جاية على خير. واتمى ان انا اكون - 00:08:37

آآ قدرت اقدم اضافة جديدة في الزكاة سواء كانت الافراد او الشركات وكل سنة وانتم طيبين والسلام عليكم ورحمة الله وبركاته - 00:08:57